

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik
Služba za privredu



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipal mayor

Broj:02/1-13-23-1942/21
Breza,19.07.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljenu vijećničku inicijativu

U okviru vijećničkih pitanja na sjednici Općinskog vijeća Breza koja je održana 30.06.2021. godine, vijećnica Jekalović Amina je postavila vijećničku inicijativu koja glasi:

„ Pješački prelaz na regionalnoj cesti koja prolazi kroz općinu Breza su iscrtali prije dvije sedmice. Međutim, do 30.06.2021.godine su se već izbrisali . Iz tih razloga podnosim inicijativu da nadležna služba izađe na teren, napravi službenu zabilješku i prosljedi je nivou i organu kojem treba.

Svakako ostaje inicijativa da se horizontalna signalizacija na području Općine Breza što prije obnovi.“

U vezi postavljene vijećničke inicijative dajemo sljedeći odgovor :

Nadležna općinska služba je predmetnu inicijativu uputila Ministarstvu za prostorno uređenje, promet i komunikacije i zaštitu okoline – Kantonalnoj direkciji za ceste, na dalje postupanje.

Što se tiče inicijative da se što prije obnovi horizontalna signalizacija na lokalnim cestama području Općine Breza, u što skorijem periodu, tokom realizacije Ugovora „Redovno održavanje lokalnih cesta i ulica na području Općine Breza za 2021.godinu“, pristupit će se i obnovi horizontalne saobraćajne signalizacije (kao jedne od stavki Programa) na lokalnim cestama i ulicama na području Općine Breza.

S poštovanjem!

Obrađivač: R.Mušanović

Prilog: Vijećnička inicijativa, dostavlja se,
Akt broj: 02/1- 9-19-2100/21

Dostavljeno
1 x Naslov
1 x evidencija
1 x a/a

Pomoćnik načelnika

Salih Hasanspahić



Adresa: Bogumilska br.1 tel, centrala 032/786-020, 032/786-061
fax:, 032/786-041, 032/786-031
e-mail: privreda@breza.gov.ba , www.breza.gov.ba



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipal mayor

Služba za privredu
Broj:02/1- 9-19-2100/21
Breza, 19.07.2021.godine

**Ministarstvo za prostorno uređenje,
promet i komunikacije i zaštitu okoline**
- *Kantonalna direkcija za ceste* -
Kučukovići br 2. ZENICA 72 000

Predmet : Vijećnička inicijativa, dostavlja se

Poštovani,

U prilogu akta Vam dostavljamo vijećničku inicijativu vijećnice Jekalović Amine, na Vaše dalje postupanje, tj. pozivamo Vas da u skladu sa svojim nadležnostima preduzmete odgovarajuće mjere.

Hvala Vam na saradnji i razumijevanju.

S poštovanjem!

Obrađivač: R.Mušanović

Prilog: Vijećnička inicijativa broj: 02/1-13-23-1942/21

Dostavljeno:
1 x Kantonalna direkcija za ceste
1 x Služba Općinskog vijeća i Općinskog načelnika
1 x a/a

Pomoćnik načelnika

Salih Hasanspahić



Služba za finansije, inspekcijske poslove i opću upravu

Broj: 03/1-2-19-1936/21
Breza, 22.07.2021.godine

**OPĆINSKO VIJEĆE BREZA
- SLUŽBA OPĆINSKOG VIJEĆA -
Ovdje**

Predmet: Odgovor na vijećničku inicijativu, dostavlja se.-

Na sjednici Općinskog vijeća Breza održanoj 30.6.2021. godine, u okviru vijećničkih pitanja i inicijativa, vijećnik Mirnes Bašić je u pismenoj formi uputio inicijativu, koja glasi:

„Za izlazak na teren odgovornog lica koje daje odobrenje za radove i vrši nadzor sanacije na lokalnim putevima od strane BH Telecoma, Telemacha, JP“Komunalno“ d.o.o. Breza i sl.“

Vezano za vijećničku inicijativu sanitarno - komunalni inspektor Općine Breza daje sljedeći odgovor:

Odredbama člana 64., 65., 66., i 67. Odluke o komunalnom redu („Službeni glasnik Općine Breza“, broj 1/19) propisano je pod kojim uslovima se može vršiti prekopavanje javnih zelenih površina, kao i ostalih javnih površina, radi postavljanja, uklanjanja, izmjene i održavanja podzemnih instalacija i uređaja, ko izdaje potrebno odobrenje za navedene radove, te obaveze izvođača po završetku radova.

Naprijed navedenim odredbama jasno je definisano da Služba za prostorno uređenje, zaštitu okoliša, geodetske i imovinsko - pravne poslove Općine Breza izdaje odobrenje za gore navedene radove, te da nadzor nad izvođenjem radova prekopa na zahtjev Službe može vršiti ovlašteno lice ispred Općine Breza.

U okviru svoje nadležnosti, sanitarno – komunalni inspektor Općine Breza je dana 07.06.2021. godine izvršio inspekcijsku kontrolu na širem području općine Breza, te pregledom na licu mjesta konstatovao da je JP "Komunalno" d.o.o. Breza na više lokacija u urbanom i vanurbanom području općine Breza izvršilo prekopavanje i prosjecanje javne asfaltne površine prilikom izmjene i održavanja podzemnih instalacija i uređaja, a da oštećenja koja su nastala izvođenjem radova nisu sanirali i vratili u prvobitni položaj.

Imajući u vidu naprijed navedeno, a shodno članu 135. Odluke o komunalnom redu („Službeni glasnik Općine Breza“, broj 1/19), sanitarno – komunalni inspektor Općine Breza proveo je postupak inspekcijskog nadzora, te primjenio zakonom propisane mjere.

S obzirom da do sada inspektoru nisu dostavljana izdata odobrenja navedenih firmi za izvođenje predmetnih radova od strane Službe za prostorno uređenje, te da inspektor nije imao uvida gdje se izvode radovi, uspostavljanjem bolje interne komunikacije između službi u narednom periodu pokušat će se pravovremeno kontrolisati izdata odobrenja, kao i radovi koji se izvode bez odobrenja nadležne službe Općine Breza.

Dostavljeno:

1. Naslovu
2. Pomoćnik načelnika 03/1
3. Evidencija
4. a/a

Sanitarno - komunalni inspektor

Elsada Šehović, dipl.ing.hem.

J.P.VETERINARSKA STANICA d.o.o. Breza

Založje b.b ; Breza

Tel/fax : 032/785 381

E-mail: vet.breza@gmail.com

Broj: 02/2-6-24/21

Datum: 16.07.2021. god.

- OPĆINA BREZA
- OPĆINSKO VIJEĆE

Na osnovu akta broj 01/1-02-1825-1/21 od 06.07.2021.godine izdatog od strane Stručne službe Općinskog vijeća a koja se odnosi na pokretanje vjećničke inicijative vjećnika Dine Gavranovića za proširenje postojećih kapaciteta J.P.Veterinarska stanica d.o.o. Breza koji će služiti za humano hvatanje i zbrinjavanje nezbrinutih pasa kao i pokretanje aktivnosti formiranja higijenskog servisa u sklopu J.P.Veterinarska stanica d.o.o. kao način „TRAJNOG“ rješavanja problematike nezbrinutih pasa na području Općine Breza, dostavljamo Vam:

- ODGOVOR na vjećničko pitanje vjećnika Dine Gavranovića-

Ovaj odgovor sadrži dva poglavlja s obzirom da želimo upoznati vjećnike sa trenutnom problematikom veterinarske struke u našem gradu, a sve u u cilju njihovog boljeg upoznavanja i razumjevanja radi donošenja ispravnih odluka Općinskog vijeća, a koje se tiču veterinarske struke. Stoga molimo sve vjećnike da još jednom pročitaju naš izvještaj koji ne samo da govori o ekonomskim pokazateljima već Vam govori o ulozi J.P.Veterinarska stanica d.o.o. Breza u poslovima i zadacima koji služe svim građanima Općine Breza jer se ovdje radi o pružanju veterinarskih usluga koje su od općeg društvenog interesa za Općinu Breza.

a) UVOD

Prije svega želimo da se zahvalimo vjećniku Dini Gavranoviću koji je iz izvještaja o radu J.P.Veterinarska stanica d.o.o.Breza za 2020-tu godinu, koji je prezentovan na 9.redovnoj sjednici Općinskog vijeća 01.07.2021.god. prepoznao i akcentirao problematiku humanog zbrinjavanja nezbrinutih pasa na području Općine Breza koju smo u ovom izvještaju ponudili Općinskom vijeću na razmatranje.

Na toj sjednici Općinskog vijeća donesena je Odluka da se ne usvoji izvještaj o radu J.P. veterinarska stanica d.o.o. Breza za 2020. gđinu a na toj istoj sjednici najviše primjedbi na rad iznosio je načelnik Općine Breza. Ovdje želimo istaći da je, ako gledamo sa stručne strane, Općinsko vijeće trebalo donijeti Odluku da se prihvati naš izvještaj o čemu govori i činjenica da je Odluka donesena sa dosta glasova vjećnika koji su bili za prihvatanje

programa kao i dosta glasova vijećnika koji su prilikom glasanja bili suzdržani iz koje ga smo zaključili da većina vijećnika nije upućena u organizacijsku strukturu jedne ustanove koja se bavi veterinarskim poslovima. Nas prije svega zabrinjava mogućnost PRIVATIZACIJE J.P.Veterinarska stanica d.o.o.Breza koju je na toj sjednici najavio načelnik Općine Breza gospodin Vedad Jusić. Iz tih razloga želimo Općinskim vijećnicima ukratko u nekoliko rečenica pojasniti suštinu postojanja i ogromnu ulogu ovog preduzeća koje je JAVNO DOBRO za ovu Općinu. J.P.Veterinarska stanica d.o.o. Breza SVAKI DAN U GODINI 24 SATA DNEVNO PRUŽA VETERINARSKJE USLUGE GRAĐANIMA I RADNIM ORGANIZACIJAMA koje se bave uzgojom životinja, prodajom životinja i životinjskih proizvoda koji služe za ishranu ljudi i životinja, a sve sa PRIMARNIM CILJEM OČUVANJA ZDRAVLJA LJUDI I ŽIVOTINJA od raznih oboljenja a naročito od ZOONOZA (zoonoze su zajedička oboljenja ljudi i životinja kao što su Bruceloza, Tuberkuloza, Leptospiroza, Antraks i dr.). J.P.Veterinarska stanica d.o.o. svakodnevno VRŠI PRAĆENJE EPIZOOTIOLOŠKE SITUACIJE na području Općine Breza. Pod epidemiološkom situacijom se podrazumjeva VRŠENJE DIJAGNOSTIČKIH PRETRAGA, VAKCINISANJE ŽIVOTINJA i obavljanje drugih radnji kod životinja koje propisuju i jednim dijelom finansiraju nadležna državna, federalna i kantonalna ministarstva a sve sa CILJEM SPRJEČAVANJA POJAVE I ŠIRENJE ZARAZNIH OBOLJENJA PRVENSTVENO ZOONOZA i drugih zaraznih oboljenja kod životinja. Prema tome sa zadovoljstvom možemo konstatovati da na području općine Breza koje je pod kontrolom J.P.Veterinarska stanica d.o.o.Breza NEMA POJAVE ZARAZNIH OBOLJENJA životinja a naročito onih oboljenja koje se prenose sa ljudi na životinje, nema pojave oboljenja ljudi koji usljed konzumiranja proizvoda životinjskog porijekla sa klaonice, fabrika i farmi koje su pod stalnim veterinarsko-sanitarnim nadzorom ovog preduzeća a ekonomske štete nastale oboljevanjem stočnog fonda usljed drugih nezaraznih oboljenja kod životinja su predanim radom radnika ovog preduzeća svedene na minimum. Uredno se vode propisane evidencije. Trenutno najveći dio finansiranja ovog preduzeća se vrši PRUŽANJEM USLUGA INSPEKCIJSKOG NADZORA nad klaonicama i firmama koje se bave uzgojom životinja i proizvodnjom hrane za ljude i životinje i ti poslovi se obavljaju na osnovu ovlaštenja od strane nadležnih ministarstava putem ugovora sa gore pomenutim firmama. Sve ostale veterinarske usluge se vrše NA OSNOVU POZIVA VLASNIKA ŽIVOTINJE u što spada edukacija stanovništva o držanju i uzgoju životinja, liječenje životinja, hirurški zahvati, pojedinačne vakcinacije kućnih ljubimaca i dr. Ove usluge plaćaju vlasnici životinja po propisanom cijenovniku. Prema našim evidencijama ovo preduzeće veterinarski servisira oko 400 grla goveda 300-400 grla ovaca i koza i oko 100 životinja koje se vode kao kućni ljubimci (psi, mačke i dr). Poređenja radi krajem 90-ih godina prošlog vijeka ova stanica je imala oko 1500 osjemenjavanja grla goveda što govori koliko je opao stočni fond. Ukratko da pojednostavimo PUTEM JAVOG PREDUZEĆA VETERINARSKA STANICA d.o.o. BREZA Općina Breza može implementirati niz programa koji se tiču povećanja ekonomske proizvodnje u stočarstvu koji će se zbog sve teže ekonomske situacije vrlo brzo morati pokrenuti. Upravo svjesni da moramo odgovoriti sadašnjoj teškoj ekonomskoj situaciji direktor i radnici ovog preduzeća su od sredine 2018. godine putem programa koje smo predložili nadležnima u Općini Breza pristupili sanaciji objekta koji može služiti u više namjena za implementaciju zadataka koji će se u što smo sigurni, morati vrlo brzo desiti.

Ovim putem pozivamo sve vijećnike Općinskog vijeća Breza kao i načelnika Općine Breza i sve zainteresovane građane našeg grada da nas posjete i da se na licu mjesta uvjere da se radi o veoma dobro, a naše uslove, organizovanom malom preduzeću koje s obzirom na stručnu spremnost i veliko iskustvo radnika, opremljenost objekta, može implementirati niz projekata od vitalne važnosti za našu Općinu. U nedostatku stočnog fonda koji je za nas veoma bitan kako bi ekonomski mogli biti samoodrživi, a svesni činjenice da se Općina Breza kao 100% vlasnik i osnivač suočava sa problemom pojave velikog broja nezbrinutih pasa na području svoje teritorije pristupili smo izradi projekata za humano zbrinjavanje nezbrinutih pasa kojeg želimo da Vam prezentujemo. Na našu žalost a i na žalost svih građana Općine Breza pandemija COVID-19 je zaustavila ovaj projekat koji je trebao biti već implementiran ali se iskreno nadamo da će sadašnje Općinsko vijeće prihvatiti ovu inicijativu i sagledati mogućnosti da se ovaj program implementira.

B) HUMANO HVATANJE I ZBRINJAVANJE NEZBRINUTIH PASA I FORMIRANJE HIGIJENSKOG SERVISA U SKLOPU J.P. VETERINARSKA STANICA d.o.o. Breza

J.P. Veterinarska stanica d.o.o. Breza je stupanjem na mjesto V.D. direktora preduzeća Mirsada Bogilovića dr.vet.med. u maju 2018.god. pristupila je hitnoj izradi programa sanacije i adaptacije gotovo devastiranog objekta J.P. Veterinarska stanica d.o.o.Breza kojeg je finansijski podržala Općina Breza. Prostorije u kojima se nalaze kancelarije su u potpunosti renovirane. U hirurškoj sali, sanitarnom čvoru i hodnicima su postavljene sanitarne pločice a postojeća garaža je rekonstruisana u prostorije za prihvatanje, smještaj, ishranu i njegu, pripremu za hirurške zahvate i postoperativni tretman hirurški obrađenih pasa (kastracije i sterilizacije). Time se završila prva faza sanacije kojom su se stekli uslovi da putem direktnih sporazuma a na osnovu svog statuta i u skladu sa Zakonom o dobrobiti životinja i pravilnikom o osnivanju i uvjetima koje moraju ispunjavati higijenski servisi Općina Breza povjeri J.P.Veterinarska stanica d.o.o.Breza poslove kastracija i sterilizacija nezbrinutih pasa sa područja naše Općine. Od jeseni 2018. godine do jeseni 2020. godine kastrirano je oko 150 pasa za što imamo potpunu dokumentaciju a sav posao je nadgledan od strane Sanitarnog inspektora Općine Breza. U drugoj fazi sanacije objekta a koji se odnosi na kraj 2019.godine i početak 2020.godine uz pomoć Općine Breza u potpunosti su rekonstruisani prostori kotlovnice i garaže koji su pretvoreni u prostorije sa boksovima za pse urađeni po svim propisima u sanitarnim pločicama sa kanizacionim odvodima i dovodima pitke hladne i tople vode, uređajima za zagrijavanje te prostorije, sa ulazima i izlazima kao i vanjskim ispustom koji za podlogu ima asfalt i koji također posjeduje kanizacione odvode i dovode vode za piće. Uporedo sa tim radovima ovlašteni radnici ove firme su obavljali sve redovne poslove na terenu i ambulantni kao i poslove kastracija i sterilizacija nezbrinutih pasa od kojih je velika većina udomljena preko aktivista za zaštitu životinja. Međutim sa pojavom pandemije COVID-19 prestale su sve aktivnosti jer nisu postojali zdravstveni a ni finansijski uslovi kao i nemogućnost komunikacije prema inostranstvu gdje je većina tih pasa i

udomljavana. Tek krajem ljeta 2020.godine ponovo je za kratko pokrenut ovaj projekat da bi se završio pred održavanje lokalnih izbora kada je sve i stalo.

E sada dolazimo na trenutnu situaciju stanja objekta u ovom preduzeću kojeg je uz vrlo mala finansijska ulaganja, s obzirom da se radi o rješavanju jednog od prioritetnih zadataka Općine Breza, potrebno dovršiti i staviti u funkciju HIGIJENSKOG SERVISA ZA HUMANO HVATANJE NEZBRINUTIH PASA kojeg je Općina Breza po zakonu dužna obezbjediti. Ovo preduzeće bi tu proceduru sigurno završilo u prošlom sazivu vijeća da nije bilo pojave pandemije COVID 19 koja je zaustavila između ostalog i ovaj projekat. Iz tih razloga predlažemo Općinskom vijeću da se ova INICIJATIVA od strane vijećnika gospodina Dine Gavranovića USVOJI. Nakon toga po našem mišljenju najbolje bi bilo da Općinsko vijeće na čelu sa načelnikom posjeti ovo preduzeće i na licu mjesta se uvjeri kakve su mogućnosti ovog objekta i šta se mora najminimalnije finansijski uložiti kako bi se objekat stavio u gore pomenutu funkciju. S obzirom da se radi o objektu koji se nalazi na 600 kvadratnih metara općinske zemlje potrebno je prije svega da Općinski geodeti postave tačno ucrtane granice radi razgraničenja sa zemljištima građana koji se nalaze u blizini objekta pa ako treba i proširiti prostor u onim djelovima gdje se parcela ponovo naslanja na državnu zemlju. Na ucrtanim granicama potrebno bi bilo postaviti ogradu sa vizualnom i zvučnom izolaciom (lim) i kapiju. U unutrašnjosti objekta gdje se nalaze izidani boksovi prekriveni pločicama potrebno je postaviti prednje ograde sa vratima. S obzirom da je površina objekta oko 80 kvadrata u preostalih 500 kvadrata treba postaviti pregrade od pletene žice kako bi se regulisao prostor radi manipulacije sa životinjama radi razgraničenja. Osim toga u tom prostoru od 500 kvadrata potrebno je sagraditi manji objekat (može i manji kontejner) za smještaj dva do tri radnika koji bi opsluživali ovaj objekat. Na postojeći mali prizemni objekat (oko 9 kvadrata) koji je služio za smještaj ogrijeva za objekat potrebno je postaviti unutrašnju i vanjsku fasadu. U tom objektu bi trebalo da se nalazi magacin za hranu kojom će se hraniti smještene životinje, frižider i škrinja za duboko zamrzavanje. Preduzeće posjeduje vozilo LADU NIVU sa kojom bi se transportovale životinje. Sve ostalo što se tiče humanog hvatanja, veterinarske obrade i svih drugih stručnih aspekata imamo na raspolaganju. Što se tiče samog programa hvatanja odmah bi se pristupilo humanom hvatanju svih pasa iz samog jezgra grada od Gimnazije do Osnovne škole u Mahali koji bi bili smješteni u servis, veterinarski obrađeni i pripremljeni za udomljavanje. S obzirom da se nezbrinuti psi nalaze prirodno u čoporima ovlašteni radnici ovog preduzeća bi nastojali da nezbrinute pse radi međusobne tolerancije među životinjama humano hvataju „čopor po čopor“. U toj prvoj fazi planiramo humano uhvatiti i smjestiti od 30-50 nezbrinutih pasa koje bi sklonili iz urbanog dijela grada. S obzirom da smo to već radili i da imamo jako dobre konekcije sa aktivistima koji udomljavaju životinje nakon potrebnog tretmana od nekoliko dana ako se radi o udomljavanju u BiH i 21 dan ako se radi o udomljavanju u EU. Ovdje želimo napomenuti da bi nastojali da sve finansijske troškove oko smještaja, ishrane veterinarske usluge i drugog snose konačni udomitelji. Ukoliko budemo za neke slučajeve primorani da Općina Breza treba da snosi troškove nastojali bi da cijene usluga budu ekonomski najminimalnije. Osim ovlaštenih radnika u ovom preduzeću u radu sa životinjama u servisu potrebno bi bilo obezbjediti najmanje dva radnika koji bi bili obučeni za humano hvatanje kao i pravilno ophođenje sa tim životinjama (ishrana, njega, čistoća prostora i dr). Finansiranje ovih radnika bi bilo u početku

na osnovu ugovora o djelu a finansijska sredstva bi bila obezbjeđena od sredstava udomitelja. Pored ovih radnika nastojali bi da animiramo sve ljubitelje životinja da se volonterski uključe u ovaj rad što očekujemo i od samih građana da nam pomognu na način da napuštene pse koji su socijalizovani (tu se misli na građane koji hrane takve pse i koji nisu agresivni) prijave ili donesu u ovu ustanovu kako bi im se mogla omogućiti besplatna kastracija ili sterilizacija i eventualno vraćanje tih životinja u njihova staništa. Ovom prvom fazom bi nastojali ukloniti sve nezbrinute pse u urbanom dijelu grada. Nakon te faze krenulo bi se planski hvatanje nezbrinutih pasa „čopor po čopor“ od centra prema periferiji grada. Uporedo sa ove dvije faze humano bi se hvatali mladi psi do tri mjeseca starosti, veterinarski obrađivali i udomljavali. Treća faza bi bila konstantan trajni rad nakon uklanjanja svih nezbrinutih pasa. To podrazumijeva svakodnevne radnje praćenja pojave nezbrinutih pasa u našem gradu i njihovo humano hvatanje i smještanje u servis na daljnju obradu. S obzirom da se u ovom servisu treba planirati najmanje 30 mjesta za smještaj odraslih pasa i najmanje 20 mjesta za smještaj mladih pasa kada se završi prva i druga faza koja podrazumijeva uklanjanje najvećeg dijela nezbrinutih pasa na području Općine oslobodili bi se veći dio kapaciteti za komercijalni privremeni smještaj vlasničkih pasa, mačaka i drugih kućnih ljubimaca (Pet hotel). Ovdje moramo napomenuti da se svi vlasnički psi po zakonu moraju ČIPOVATI i VAKCINISATI a da im vlasnici moraju obezbjeđiti adekvatan smještaj kako se ne bi slobodno bez prisustva vlasnika kretali gradom.

Ovaj naš program je okviran a ukoliko dođe do situacije da bi se mogao realizovati nastojat ćemo da Vam prezentujemo sve finansijske, tehničke, veterinarsko-sanitarne detalje i dr.

Mi smo ubjeđeni da će ovaj saziv Općinskog vijeća prihvatiti ovu inicijativu i pristupiti implementaciji ovog programa za humano zbrinjavanje nezbrinutih pasa koji bi bilo povjereno J.P.Veterinarska stanica d.o.o. Breza. Ovo preduzeće je također spremno da implementira i druge programe koje se odnose na povećanje stočnog fonda i zapošljavanje stanovništva u stočarstvu.

S poštovanjem.



Direktor

Mirsad Bogilović dr.vet.med.

Mirsad Bogilović dr.vet.med.

Dostavljeno: 1 x Općinsko vijeće

1 x Općinski vijećnik Dino Gavranović

Bosna i Hercegovina
Federacija Bosne i Hercegovine
Zeničko-Dobojski Kanton

OPĆINA BREZA

Općinski načelnik
Služba za finansije, inspekcijske poslove i opću upravu



Bosnia and Herzegovina
Federation of Bosnia and Herzegovina
Zenica-Doboj canton

MUNICIPALITY OF BREZA

Municipal Mayor

Broj: 03/1-10-10-1897/21
Breza, 14.07.2021. godine

Stručna služba Općinskog vijeća Breza
- Ovdje -

Predmet : Odgovor na vijećničku inicijativu, dostavlja se.-
Veza Vaš akt broj:01/1-02-1825/21 od 06.07.2021. godine

U vezi vijećničke inicijative pokrenute od strane vijećnika Dine Gavranovića, a koja se tiče izmjene terminologije u službenim obrascima Općine Breza, obavještavamo Vas o sljedećem:

Razmatrajući navedenu inicijativu mišljenja smo, da je ona konstruktivna i da doprinosi boljem imidžu općine Breza i kao takvu je podržavamo i ujedno obavještavamo da ćemo u narednom periodu vršiti korekcije obrazaca općine Breza, te ćemo tom prilikom uvažiti Vašu inicijativu i izmijeniti tražene podatke tako da umjesto „ime oca“ na obrascima stoji „**ime jednog roditelja**“.

Pomoćnik načelnika

Dostavljeno:

1 x Naslovu

1 x evidencija, a/a

Beširević Meliha



Služba za privredu

Broj:02/1-8-19-1938/21
Breza, 19.07.2021. godine

OPĆINSKO VIJEĆE BREZA
- SLUŽBA OPĆINSKOG VIJEĆA -

Predmet : Odgovor na postavljenu vijećničku inicijativu

U okviru vijećničkih pitanja na sjednici Općinskog vijeća Breza koja je održana 30.06.2021. godine, vijećnik Bašić Mirnes je postavio vijećničku inicijativu koja glasi:

„ Podnosim inicijativu za sanaciju udarnih rupa na kolovozu puta na dionici od zgrade „Albanija“ do autobuske stanice Breza. Nadam se da će te inicijativu realizovati u što kraćem periodu. Unaprijed hvala.“

U vezi postavljene vijećničke inicijative, dajemo sljedeći odgovor :

U prethodnom periodu je izvršeno zaključivanje Ugovora o javnoj nabavci radova „Redovno održavanje lokalnih cesta i ulica na području Općine Breza za 2021.godinu“ s dobavljačem radova „AME“ d.o.o. Breza, ugovor broj: 01/2-04-1576-4/21.

U što skorijem periodu, tokom realizacije navedenog Ugovora će se izvršiti i sanacija udarih rupa u užem gradskom jezgri, tj. na predmetnoj saobraćajnici.

S poštovanjem!

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika

Salih Hasanspahić

**Javna ustanova za predškolsko
obrazovanje i vaspitanje
„Umihana Čuvidina“**

Broj: 141/21

Datum: 15.07.2021. godine

**OPĆINA BREZA
Stručna služba Općinskog vijeća**

PREDMET: Odgovor na Vijećničku inicijativu, dostavlja se

Poštovani,

Na osnovu Vašeg dopisa broj 01/1-02-1825/21 od 06.07.2021. godine u kome se postavlja Vijećnička inicijativa sa 8. Redovne sjednice Općinskog vijeća održane 30.06.2021. godine:

- Vijećnik Adnan Rahimić, pokrenuo je vijećničku inicijativu vezanu za uvođenje Produženog boravka djeteta u JU „Umihana Čuvidina“ Breza

Dostavljamo Vam odgovor;

PRODUŽENI BORAČAK je dodatni program Javne ustanove za predškolsko obrazovanje i vaspitanje „Umihana Čuvidina“ kojim su obuhvaćena djeca koja su polaznici nižih razreda osnovne škole.

Program realizuju edukovani stručnjaci, odgajatelji, a realizuje se kroz:

- odvođenje djece na nastavu, individualno prema rasporedu časova
- pomoć pri izradi domaće zadaće
- pomoć pri učenju
- zadovoljenje potrebe djece za odmorom u vrtiću
- ostale aktivnosti u vrtiću prilagođene uzrastu i potrebama djece koje utiču na njihov svestrani psihofizički razvoj uvažavajući pri tome i individualne potrebe i interese svakog djeteta.

Za realizaciju Produženog boravka potrebna je saglasnost Ministarstva za obrazovanje nauku kulturu i sport, ZE-DO kantona koji utvrđuju prema broju zainteresiranih kandidata da li je moguće formirati grupu prema standardima i uslovima u Ustanovi. Zahtjev Ministarstvu poslat je 22.06.2021. godine i nadamo se pozitivnom odgovoru.

Produženo radno vrijeme Ustanove za koje ste uputili zahtjev u obrazloženju zahtjeva mnoge promjene u organizaciji rada. Nedostatak kadra i uposlenika otežavajuća je okolnost za produžavanje rada Ustanove. Ukoliko bi se sa trenutnim brojem uposlenika produžilo radno vrijeme dovelo bi se u pitanje prava radnika. Za produženje radnog vremena također je neophodno izmijeniti i Program rada i Pravila Ustanove sa čime mora biti saglasan Osnivač.

S poštovanjem,

Dostavljeno

1x Naslovu

1xa/a

Direktorica:

Amra Mušić



Služba za privredu

Broj:02/1-8-19-1940/21
Breza, 19.07.2021. godine

**OPĆINSKO VIJEĆE BREZA
- SLUŽBA OPĆINSKOG VIJEĆA -**

Predmet : Odgovor na postavljenu vijećničku inicijativu

U okviru vijećničkih pitanja na sjednici Općinskog vijeća Breza koja je održana 30.06.2021. godine, vijećnik Čamil Buljetović je postavio vijećničku inicijativu koja glasi:

„Da se postave saobraćajni znaci na ulazu u Zanatski centar koji zabranjuju vožnju biciklom u vremenu od 18-24 h. Ovo provesti u saradnji s Policijskom upravom Breza.“

U vezi postavljene vijećničke inicijative, dajemo sljedeći odgovor :

U prethodnom periodu je izvršeno zaključivanje Ugovora o javnoj nabavci radova „Redovno održavanje lokalnih cesta i ulica na području Općine Breza za 2021.godinu“ s dobavljačem radova „AME“ d.o.o. Breza, ugovor broj: 01/2-04-1576-4/21.

Sastavni dio Ugovora jeste i Aneks 1-obrazac za cijenu ponude, koji između ostalog, sadrži i stavke postavljanja ili zamjene vertikalne saobraćajne signalizacije.

U tom smislu, Općina Breza će u narednom periodu, pri realizaciji predmetnog Ugovora, postaviti navedenu vertikalnu saobraćajnu signalizaciju, a sve u skladu s uputama Policijske uprave Breza,

S poštovanjem!

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika

Salih Hasanspahić



Broj: 06-30-412/2021

Datum: 15.07.2021.godine

OPĆINA BREZA
STRUČNA SLUŽBA OPĆINSKOG VIJEĆA

Predmet: Odgovor na vijećničko pitanje, -dostavlja se,
Veza: Vaš akt broj:01/1-02-1825-1/21 od 06.07.2021.godine

Vezano za pitanje vijećnika Gavranović Dine, postavljeno na sjednici Općinskog vijeća, održanoj 01.07.2021.godine, a koje glasi: "Iz kojih razloga je tužba radnice Centra za socijalni rad putem punomoći data na zastupanje advokatu, koji je ishod dodatnih troškova nastalih po tom osnovu za ustanovu, te u kojoj se fazi nalazi sudski spor i koji je trenutni ishod?", dajemo sljedeći odgovor:

- Centar za socijalni rad Breza je Javna ustanova, sa svojstvom pravnog lica sa ograničenom odgovornošću za obavljanje djelatnosti pružanja usluga socijalne zaštite, korisnicima sa područja općine Breza, na osnovu Zakona o osnovama socijalne zaštite, zaštite civilnih žrtava rata i zaštite porodice sa djecom, propisa donesenih na osnovu njega kao i drugih pripisa. Organ upravljanja u Centru je Upravni odbor, dok Centrom rukovodi direktor. Dakle, direktor organizuje i rukovodi radom Centra, vodi poslovanje Centra, samostalno donosi odluke i zastupa Centar u skladu sa Pravilima te je samostalan u svome radu, a za svoj rad odgovara Upravnom odboru Centra i osnivaču.

Kako je radnica Centra u prvobitnoj tužbi navela samo povrede iz radnog odnosa, odnosno osporavanje "nezakonito" donesenog rješenja o otkazu ugovora o radu sa ponudom izmjenjenog ugovora, direktor je uz konsultacije sa osnivačem Centra, odnosno Općinskim načelnikom i Općinskim pravobraniocem, te Upravnim odborom Centra odlučio da samostalno zastupa JU Centar za socijalni rad Breza, obzirom da je u potpunosti ispoštovan Zakon o radu i sve njegove odredbe koje se tiču rješenja o otkazu sa ponudom izmjenjenog ugovora. Tačnije rečeno, direktor i Upravni odbor bili su sigurni da su sve učinili u skladu sa Zakom te da u konkretnom slučaju nije ni potrebno angažovati advokata.

Međutim, obzirom da je ista radnica u toku postupka dopunila tužbu u smislu da je visina sudskog spora povećana sa 1000,00 KM na 5000,00 KM te da je u tužbu protiv JU Centar za socijalni rad Breza uvršten institut „diskriminacija“, u smislu da su iznesene tvrdnje da je radnica diskriminisana u odnosu na ostale radnike, što u potpunosti **odbacujemo kao netačno**, u ponovnim razgovorima sa osnivačem Centra, sa Upravnim odborom te uz konsultacije sa Općinskim pravobraniocem, koji je bio upoznat sa ovim predmetom od samog početka, donesen je zaključak da se angažuje advokat koji je specijalizovan za sporove iz radnih odnosa, prvenstveno zbog teških optužbi koje se stavljaju na teret Centra i pojedinih uposlenika, kao i zbog činjenice da je radnica angažovala jednog od boljih advokata da je zastupa u

navedenom predmetu te zbog kompleksnosti samog predmeta (vještačenje, ispitivanje svjedoka i izvođenje drugih dokaza).

Isto tako, želimo da napomenom da je navedena radnica u toku postupka lažno optužila nekoliko radnika za razne radnje, uključujući pravnika Centra, čime su se planski u potpunosti diskreditovali pojedini uposlenici Centra, kao potencijalni svjedoci u postupku, pa je na osnovu toga zaključeno da bi radi krajnjeg ishoda najbolje bilo angažovati advokata koji bi zastupao Centar u navedenom postupku.

U navedenom postupku donesena je prvostepena presuda u korist radnice ali je na istu blagovremeno uložena žalba, a predmet je trenutno na Kantonalnom sudu u Zenici, tako da Vam na pitanje o iznosu dodatnih troškova još ne možemo odgovoriti, obzirom da isti nije okončan.

S poštovanjem!

Dostaviti:

1. Stručna služba Općinskog vijeća
2. a/a



DIREKTOR

Osman Salkić, dipl.scr.



Stručna služba Općinskog vijeća i
Općinskog načelnika

Broj: 01/1-02-1825-1/21
Breza, 15.07.2021.godine.

OPĆINSKO VIJEĆE BREZA

PREDMET: Odgovor na postavljeno vijećničko pitanje, dostavlja se.-

Na sjednici Općinskog vijeća Breza održanoj dana 30.06.2021. godine, u okviru vijećničkih pitanja i inicijativa, vijećnik Dino Gavranović postavio sljedeće vijećničko pitanje:

„ Zašto nadležna služba nije postupila po zahtjevu Mamele Asifa i Frljak Seida zastupanih po punomoćniku Mirza Smailbegović iz Breze i pripremila te Općinskom vijeću na razmatranje dostavila odluku o gubitku statusa javnog dobra nekretnine k.č.566/1 KO Mahala te na taj način izbjegla pokretanje sudskog spora koji Općinu Breza može koštati 50.000,00KM?“

U vezi navedenog vijećničkog pitanja, dajemo sljedeći odgovor:

Član 122. ZUPFBiH predviđa da će nadležni organ pokrenuti postupak po službenoj dužnosti kad to određuje zakon ili na zakonu zasnovan propis ili kad utvrdi ili sazna da, s obzirom na postojeće činjenično stanje, treba, radi zaštite javnog interesa, pokrenuti upravni postupak.

Obzirom da se radi o upravnom postupku koji je pokrenut po zahtjevu stranke, odnosno, da se radi o zaštiti ličnih prava ili pravnih interesa te da je Općinsko vijeće predstavnički organ, a svaki vijećnik u skladu sa Statutom Općine Breza dužan vršiti svoju dužnost u interesu svih građana sa područja općine Breza, to smatramo da sama priroda postupka i načela rada Općinskog vijeća ne dopuštaju uticaj na isti.

S poštovanjem!

Dostavljeno:
1 x Naslov,
1 x a/a.

Stručna služba Općinskog vijeća i
Općinskog načelnika
Safet Zahirović



Služba za prostorno uređenje, zaštitu okoliša
geodetske i imovinsko-pravne poslove

Broj:04/1-5-19-1899/21
Breza, 16.07.2021. godine

**STRUČNA SLUŽBA OPĆINSKOG VIJEĆA
I OPĆINSKOG NAČELNIKA
B r e z a**

Predmet: Odgovor na vijećničko pitanje.-

Na sjednici Općinskog vijeća Breza, održanoj 01.07.2021. godine, u okviru vijećničkih pitanja, vijećnik Čorbo Malik, postavio je vijećničko pitanje koje se odnosi na zahtjeve mjesnih zajednica za izdavanje urbanističke saglasnosti za izgradnju Spomen obilježja šehidima i poginulim borcima.

Odgovor na postavljeno pitanje:

U ovoj Službi nema neriješenih zahtjeva Mjesnih zajednica za izdavanje urbanističke saglasnosti za izgradnju Spomen obilježja šehidima i poginulim borcima, za koje Zakonski zastupnik Općine Breza, Općinsko pravobranilaštvo Breza podnosi na prijedlog Službe za privredu Općine Breza.

Izrada:

Voditelj postupka:

Zekija Memić, dipl.prav.

Dostavljeno:
1x Naslovu
1x a/a

Pomoćnik načelnika
Selma Gazdić, dipl.ing.arh.



Stručna služba Općinskog vijeća i
Općinskog načelnika

Broj: 01/1-02-1825-1/21
Breza, 15.07.2021.godine.

**OPĆINSKO VIJEĆE
BREZA**

PREDMET: Odgovor na pokrenutu vijećničku inicijativu

Na sjednici Općinskog vijeća Breza održanoj dana 01.07.2021. godine, u okviru vijećničkih pitanja i inicijativa, vijećnik Čorbo Malik je u pismenoj formi dostavio sljedeću vijećničku inicijativu:

„ Da se donese Odluka o postavljanju državne zastave na svim Javnim institucijama na teritoriji općine Breza.“

U vezi navedene vijećničke inicijative, dajemo sljedeći odgovor:

Na 32. redovnoj sjednici Općinskog vijeća održanoj 27.11.2015. godine usvojena je Odluka o zastavi Općine Breza i načinu upotrebe zastave Općine Breza („Službeni glasnik Općine Breza“ broj: 10/15).

Predmetnom odlukom utvrđen je izgled, sadržaj, likovno rješenje zastave Općine Breza, kao i način upotrebe zastave Općine.

Predmetnu inicijativu nepohodno je razmotriti na sastanku predsjednika klubova parlamentarnih stranaka, zauzeti stav po istoj te eventualno pokrenutu postupak izmjene odluke, kako bi se predmetnoj inicijativi u skorije vrijeme i udovoljilo.

S poštovanjem!

Dostavljeno:
1 x Naslov,
1 x a/a.

Stručna služba Općinskog vijeća i
Općinskog načelnika
Safet Zahirović



Služba za privredu

Broj:02/1-8-19-1939/21
Breza,19.07.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana 01.07.2021. godine, vijećnik Dino Gavranović je postavio vijećničko pitanje koje glasi:

„Da li je izvršen prijem izvršenih radova na poslovima uklanjanja deponije krutog otpada iza zgrade investitora „Termo beton“ d.o.o. Breza u centru Breze, te da li je bilo primjedbi na kvalitet istih od strane naručioca posla Općine Breza?“

U vezi postavljenog vijećničkog pitanja, dajemo sljedeći odgovor :

U užem urbanom dijelu grada na katastarskim česticama broj 136/8,136/9,136/10 KO Mahala nalazi se deponija krutog otpada i u cilju privođenja namjeni predmetnog zemljišta pojavila se potreba da se ista ukloni i zemljište dovede na nivo kote 493,58 odnosno 490,04 sa padom od 1-1,5% od zgrade Termobetona do Sportske dvorane Mahala. Geodetskim snimanjem utvrđeno je da na predmetnim lokacijama se nalazi 3 682,57 m³ krutog materijala koji treba ukloniti. Procijenjena vrijednost uklanjanja krutog materijala je utvrđena u iznosu od cca 65.435,18 KM. Projekat uklanjanja deponije kandidiran je na Javni poziv Kantonalnog fonda za zaštitu okoline koji je u sastavu Ministarstva prostornog uređenja Ze-Do kantona. Od strane Fonda po navedenoj prijavi odobreno je 10.000,00 KM.

Za nevedeni iznos proveden je postupak javne nabavke radova i dodijeljen ugovor firmi „AME“ d.o.o. Breza. Po navedenom Ugovoru uklonjeno je 1.300 m³ materijala i preostalo je još za ukloniti cca 2.382,57 m³.

Nadamo se da ćemo obezbijediti dodatna sredstva potrebna za uklanjanje ostatka materijala koji se nalazi na navedenim katastarskim česticama i zemljište dovesti na nivo naprijed navedenih kota

Radovi koji su izvedeni po zaključenom ugovoru su primljeni od strane Ugovornog organa i nije bilo primjedbi na kvalitet istih.

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika
Salih Hasanspahić



Broj:02/1-8-19-1941/21
Breza,19.07.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana dana 30.06.2021. godine, vijećnik Dino Gavranović je postavio vijećničko pitanje koje glasi:

„Da li je predviđeno saniranje nekategorisane ceste koja vodi preko pružnog prelaza u naselje Vrankamen?“

U vezi postavljenog vijećničkog pitanja, dajemo sljedeći odgovor :

Nakategorisane ceste unutar naseljenog mjesta Vrankamen su u jako lošem stanju. Ukupna dužina cesta unutar naselja je 1044,00 m . Glavna saobraćajnica ili sabirna u naselju Vrankamen počinje od regionalne ceste R444 preko pružnog prelaza do raskršća u naselju Vrankamen je dužine 334,0 m i širine 3,20 m. Pod asfaltnim je zastorom koji je dosta oštećen pogotovo u vrijeme izgradnje sekundarne mreže javnog vodovoda unutar naselja. Od navedenog raskršća glavna cesta se grana u dva pravca, desni pravac dužine 180,0 m i lijevi pravac čija je dužina 217,0 m. Oba pravca su pod makadamom, velikog nagiba i bez riješene površinske odvodnje. Četvrta dionica nekategorisanih cesta unutar naselja Vrankamen je dionica od glavne saobraćajnice do posljednje kuće u naselju Vrankamen (dio ceste Vrankamen- Bukovik). Dužina tog dijela ceste je 213,0 m i ona je u dosta lošem stanju.

U prethodnim godinama predmetne ceste su se periodično održavale kroz Program redovnog održavanja cesta u ljetnim uslovima. Međutim, uslova za radikalnije zahvate rekonstrukcije nije bilo. Na inicijativu mještana naselja Vrankamen od strane nadležne službe izrađen je Projektni prijedlog sanacije cestovne infrastrukture. Ukupna vrijednost osnovnih radova za sanaciju svih navedenih dionica, koji su predmet tehničke dokumentacije prijedloga je 176.068,28 KM s PDVom (po aktuelnim tržišnim cijenama). Obzirom na veliku vrijednost Općina Breza nije u mogućnosti iz vlastitih izvora izvršiti sanaciju predmetnih cesta. U tom smislu Idejni projekat sanacije glavne saobraćajnice unutar naselja Vrankamen čija je vrijednost 60.633,85 KM s PDVom, prijavljen zajedno sa još pet projekata na javni poziv Vlade Federacije BiH. Projekti su u fazi odobravanja i u odnosu na rezultate javnog poziva donijet će se konačna odluka o načinu sanacije predmetnih saobraćajnica.

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika
Salih Hasanspahić